



QILAMIK HATQIQTUKHAQ: Aktuupa 29, 2025-

Ikaluktutiak, NU: Tapkuat Kitikmeot Inuit Katutyiqatigit (KIA) inngummaktut titiqatigut tuhaqhittiyag huiqnianik tamna KIA-kut Angayuqap Tuklia (VP) Attima Hadlari. Attima huiqtuq talvani Edmontonmi talvani Aktuupa 27, 2025. Attima niruaqtauyuq tapkununga KIA-kut Katimayit talvunga Angayuqap Tuklia, Maniliurutit Pivaliatitnit uumani qangiqtimi Aipurumi.

Pinahuaqpiaqtai havakpiaqtailu uumani havanguyumi tapkuatlu maniliurutit inuuhiriknit tahapkuat Kitikmeot naunaitpiartuq qangahaq uqauhini talvani Saptaiqa talvani angmaqtigauniani tamna B2Gold Goose Uyarakhuiqvik.

“Attima havakpiaqtuq tapkunani ilitquhit maniliurutitlu nakuunit tahamani Kitikmeot,” uqartuq KIA-kut Angayuqap James Eetoolook. “Naliakni Kivgaqtuiniq nunaliit avikhimaniptingnut talvani KIA-kut Katimayit uvaluniit atuqhuniuk qilautyarniq numirniq uvaluniit ilitquhit qauyimaniuni uqautyiniq kivgaqtutit, ilihimainnaqtutit humugauyakhaq uumatiknut niaqutlu pivaknit.”

[Hadlari Qauyimayiyut](#) pigiaqtihimaya taphuma Attima nuliangatalu Elisabeth.

Attima kivgaqtuihimayuq tapkunani KIA-kut Katimayini pingahuiqhuni. Hivulliqlik niruaqtauhimayuq Angayuqap Tuklia talvani 2012mi, talvani atauttimi ukiuq pitaqta tamna Queen Elizabeth II's Diamond Jubilee Uyamiktaq. Kingugut niruaqtauyuq 2019-mi talvunga KIA-kut Angayuqap Tuklia Angutikhanut hivuani utiqniahaqhuni talvunga KIA-kut Katimayit niruaqtaupluni Angayuqap Tuklia, Maniliurutit Pivalianit uumani qangiqtimi Aipurumi.

“HUnaugaluaqat havaq Attima inniqta talvani KIA-kut, uvaluniit kituliqak ahia timiuyuq, pipkakafungittuq pinariyaayunik ilihimaniq, kihimiktauq kipayukniqminik havakpiarahuqnilu inuqutiminut nunamutlu,” ilaya Eetoolook. “Ublumi, humiliqak hiqinnaqat tahamani Kitikmeot, hiqinnaqtuq itqaumanianut nakuqpiaqtuq angut.”

Attima inuuhimayuq maniqami akungani ublumi nunaliuyut Taloyoak, tamnaluk Kugaaruk piruqhaqtauplunilu aulaqpaktunit inuuhimik, nayuqhugit tupiit iglutlu.

“Attima puigulaittuq himingarniqminik nalungittunilu humungaukaqni Kitikmeot inuqutivutlu,” uqartuq Eetoolook. “Uumativut ihumagiuyavutlu tapkununga Attimap nuliannunga Elisabeth, tamaitalu Attimap nutarai tamaitalu ilaruhit ilannaitlu.”